

## BEIHRUAL CHANCHIN

(OM 9:39, 30.5.2017, App. 6; 4:8, 26.2.2018; 6:)

Mizorama Welsh Missionary hmasa Pu Zosâphluia (Rev. DE Jones) chu kum 1897 August 31-ah a lo thleng a; Arthington-a Missionary Pu Buanga leh Sâp Upa te bul lo ãan chu la chhâwngin, amah chauhvîn Mizoram pumpui a hmâ ta a. Kum hnih pawh a tlin hmain 1899 June 25-ah Khuma leh Khâra te pahnihin baptisma an chang a. Chumi kum December 31-ah chuan Pu Zosapthara (Rev. Edwin Rowlands) a lo thleng bawk a. Kum 1901-ah mi pathumin baptisma an chang leh a, 1902-ah Chhim lamah mi paliin baptisma an chang bawk. Kum 1903-ah Mizoram Chhim lam chu Baptist Mission-in an enkawl ta a. Kum 1906-ah Harhna hmasaa lo thleng a; kum hmasaa ringtu 90 chu 1906 kum tâwpah chuan 167 lai an tling ta a ni. Harhna ãum hnihna a thlen kum 1913 tâwpah chuan ringtu 4776 an tling a ni.

Harhna ãum hnihna hian kum hnih emaw a aw h a. A hnûah chuan Kohhran a ngui a, mi tam tak an hnungtawlh a, 'bân leh puk puk te pawh a awm' a ni âwm e. Kum 1917-ah chuan thawhlâwm a tlâk hniam avangin 'Tirkoh tirk chhuah 7-te pawh an hlawh tur ang chêng 10 hmu lovin chêng 8-in an chhuak rih a ni.' "Mahse, Kohhranin veitu, mi ãhahnemngai a tlachham lo. 'Mi thianghlinten ngaihvenin, eng chen nge?' an ti a. Pathian chakna chhuang a, Kohhran tihchak leh Krista tâna ram lâk tum an awm zêl. Kum 1918-ah Champhai Hmunhmêlãa khuaa Presbytery Inkhâwmpui chuan, kum tin September thlaa Beihrial neih an rêl tlu a. Chuta chin chu tûn thlengin ãa takin a kal zêl a." Kumin 2018 hi a kum zâna a ni ta hial a ni.

Beihrial hman dân chu hun kal zêlah a inang vek lo. A tir lamah chuan thla chawhma lam hi ringtute intihchak nân Biak Inah zan tin an inkhâwm ãhin a, thla chawhnu lam chu ring lote beih nân an hmang ãhin. Ring lote inah lêngin Pathian thu an sawipui a, khawlaiah te thu sawiin mual inkhâwm te an nei a, Kohhranin a chak pahin a pun pah hle ãhin. A lo rei a, ring lote an tlêm hnûah chuan Kohhran intihchak nân leh Kohhran chhûnga mi chak lo leh hnungtawlh te dâwm chhuah nân an hmang a, vêng hrang hrangah inãhen darhin, vêng inkhâwm te an nei a, ring lo mi la awm tamnaah chuan chûngho beihna chu a kal zêl bawk.

A lo rei deuh chuan ram pum huapa zir tlân tûr thupui te siam a ni a, thupui hi engtik aãang chiahin nge a bu-a siam a nih tih hriat a har; kum 1941-ah te kha chuan siam a ni tawh a, 'Nilai leh Beihrial Thupui' tiin bu khata dah a ni ãhin. Beihrialah hian thupui chi hrang kan zir tam tawh hle. Thuthlung Thar aãanga lâk chhuah thupui chi hrang hrang te, Kristian nun lam khawih thupui chi hrang hrang leh thupui dangte pawh zir a ni a. Chhûngkaw Hapta hi 1956-ah hman ni mah se, chhunzawm a ni lo va, 1979 aãangin kum tin hman zui a ni ta a, kum 39 kan hmang ta a nih chu. Ramthar lam hawi thupui hi 1963-ah zir a ni a, mahse Ramthar Hapta hman chhunzawm tâk zel hi chu 1978 aãangin a ni a, kum 40 kan hmang ta a ni. Bible aãanga lâk chhuah thupui chi hrang kan zir hnem hle tawh a, a bâkah thupui dang deuh - Kohhran Thunun dân, Kristiante leh politics, Finance Campaign, Zû leh Drugs, Media hmanga rawngbâwlna, thilsiamte humhalh, Secular Education leh Mizoram Synod tih te pawh kan zir tawh a ni.

Kum 2001 khân Synod Inkhâwmpuiin Beihrial thla hman dân tihdanglam rawtna a pawm a. Chu chu Synod Executive Committee-in bawhzuiin hetiang hian Beihrial hman dân kaihhruaina a siam ta a ni (SEC 187:29, Nov. 5-7, 2002):-

1. Beihrial hi September thlaah hmang zêl ila.
2. Tualchhông Kohhranin remchâng leh ðha a tih angin Biak In leh inlamah hman pawlh ðhin a ni ang.
3. Thupui hi ram pum huapin Synod-in a la siam zêl ang a, amaherawhchu a thupui leh Bible châng târlan bâkah a kaihhruaina thuziak hi chu tuna kan hman lai aia tawi fel zawka siam tur a ni ang.
4. Mahni Kohhran tâna ðangkai leh sâwt zâwka hmang duhte tân zau zâwka zalênna pêk a ni ang.
5. Kan Kohhran hmalâkna pawimawh - Kristian Chhôngkua, Ramthar leh vântlang nun siamðhatna (Social concern) lam thilte hi hlamchhiah loh tur a ni ang.

Hetiang kaihhruaina ang hianKohhran ðhenkhat chuan Beihrial hun laiin Campaign te, Crusade te an nei a, Beihrial bu thupui hmanga kal an awm zêl bawk.

Kumin 2018 hi Beihrial kum za kan hmanna a ni ta a. Kum za chhông khan kan hlâwkpu em tih chungchângah ngaih dân a inrualvek lo mai thei. Kum 1918-a kum tin Beihrial hman rawt a nih khan Zosâp Pu Sandy-a chuan inbuatsaih nân nasa taka ðawngtaia Pathian malsâwmna dîl tûrin Kohhranho hnênah fuihna thu a chhuah a. Kohhranho dîlna chu Pathianin a chhâng a, a kum leh 1919-ah chuan Harhna ðum thumna a lo thleng ta a. Zorama harhna thlengah chuan a nasa bera sawi hial a ni. Ringtu pawh anpung nasa khawp mai. Beihrial neih ðan hma kum hnih 1916-ah chuan Hmâr lamah ringtu 8579 an awm a, Beihrial hman aþanga kum hnih hnu kum 1920-ah chuan ringtu 19814 an ni a, kum li chhôngin 11235-in an pung a. Chuta ðanga rei tak chhông chu kum tin 3600 chuangin an pung ta zêl a ni. Kohhran member pun lam chauh ni lovin, Pathian thu leh ringtu nun dân tur hriatna kawngah pawh kan Kohhranin a hlâwkpu hlein a lang. Kum 40 hman a nih hnû kum 1959-ah khân Pastor Saiaithanga chuan, "Pathian malsâwmna dawng lovin kum tin September Beihrial hi a la tlingtla lo a ni kan ti thei ang," a lo ti a. He thu tho hi Beihrial chungchâng sawina ðha leh dik a la ni zêl âwm e.

Kum 1918-ah khan kan Kohhran chuan khawvêl nêkna leh ringtu nun tlâk hniamna hmachhawn turin 'Beihrial' neih a lo rêl a. Kum za a ral a, tûn kum zabi 21-naah hian hun thar danglam tak tak a inher chhuak zêl a, mihring nun khawih danglam thei hmasâwmna thil thar leh a zuit util ðha lo chi hrang hrangin min chîm mêk a ni. Khawthlang ramah chuan Kristianna a tlahniam nasa a, kan ramah pawh politics leh sakhaw lam thil inlumlet ngaih tiþha lo tak tak a inmung mêk bawk. Hetiang hun hmachhawn thei tur hian Beihrial hi ðahnemngai lehzualin i hmang ang u.